



O'zbekiston Ovozi

Ijtimoiy-siyosiy gazeta

t.me/uzbekiston_ovozi_gazetasi

facebook.com/uzbekistonovozi

instagram.com/uzbekiston_ovozi

www.uzbovozi.uz

info@uzbovozi.uz



ТОЗА МУҲИТ – СОҒЛОМ КЕЛАЖАК КАФОЛАТИ

Бугунги кунда экологик муаммолар глобал чақириққа айланган. Хусусан, Тошкент шаҳри ва бошқа саноатлашган ҳудудларда ҳаво сифати билан боғлиқ муаммолар долзарблигича қолмоқда.



ҳавони тозалаш, балки шаҳар микроклимини яхшилаш ва аҳолининг дам олиш имкониятларини кенгайтиришга хизмат қилади.

Экологик маданиятни юксалтириш ҳам устувор вазибалардан бири сифатида белгиланмоқда. “Экомаданият” лойиҳаси доирасида таълим тизимига янги йўналишларни жорий этиш, замонавий мутахассислар тайёрлаш ва аҳоли ўртасида барқарор турмуш тарзини шакллантириш кўзда тутилгани айниқса, эътиборлидир.

Бугунги кунда юртимиз ҳудудининг катта қисми арид зоналардан иборат бўлиб, чўлланиш жараёнлари иқтисодиёт ва экологияга жиддий таъсир кўрсатмоқда. Шу боис, илмий ёндашув асосида чўлланишга қарши курашиш, замонавий технологияларни жорий этиш ва минтақавий ҳамкорликни кучайтириш устувор аҳамият касб этади.

Хулоса қилиб айтганда, тақлиф этилган лойиҳалар мамлакатимизнинг экологик хавфсизлигини таъминлаш, аҳоли саломатлигини муҳофаза қилиш ва барқарор ривожланишни таъминлашга хизмат қилади. Уларнинг самарали амалга оширилиши эса барчамизнинг фаол иштирокимиз ва масъулиятли муносабатимизга боғлиқ.

Тоза табиат — бу фақат давлат сиёсати эмас, балки ҳар бир фуқаронинг ҳаётий қадриятига айланиши лозим.

**Сайёра АБДИКАРИМОВА,
Сенатнинг Аграр, сув
ҳўжалиги масалалари
ва экология қўмитаси раиси
ўринбосари.**

Атмосфера ифлосланишига саноат ривож, транспорт воситалари сонининг ортиши, ёқилғи турларидан самарасиз фойдаланиш ва назорат механизмларининг етарли эмаслиги таъсир кўрсатмоқда.

23 март куни Ўзбекистон Республикаси Президенти Шавкат Мирзиёев экология ва атроф-муҳитни муҳофаза қилиш соҳасида 2026–2030 йилларга мўлжалланган устувор умуммиллий лойиҳалар тақдими билан танишди. Ушбу ташаббуслар нафақат табиатни асраш, балки аҳоли саломатлигини муҳофаза қилиш, иқтисодий барқарорликни таъминлаш ва келажак авлодлар учун муносиб муҳит яратишда муҳим аҳамиятга эга.

Шу нуқтаи назардан, “Тоза ҳаво” умуммиллий лойиҳаси жуда долзарб ва ўз вақтида қабул қилинган қарордир. Ушбу лойиҳа доирасида

атмосферага чиқарилаётган зарарли моддаларни қисқартириш, саноат корхоналарида замонавий филтър ва мониторинг тизимларини жорий этиш, транспорт соҳасида экологик стандартларни кучайтириш каби аниқ вазибалар белгилаб олинган.

Айниқса, транспорт воситаларини экологик тоифаларга ажратиш, жамоат транспорти улушини ошириш ва эски автомобилларни босқичма-босқич янгилаш каби чоралар шаҳарлардаги ҳаво сифатига ижобий таъсир кўрсатиши шубҳасиз.

Шунингдек, “яшил белбоғ”лар барпо этиш, ботаника ва дендрология боғларини кўпайтириш, жумладан, пойтахтда Миллий дендрология боғини ташкил этиш ташаббуси экологик барқарорликни таъминлашда муҳим қадандир. Бу каби лойиҳалар нафақат

МУНОСАБАТ

БЕТАКРОР ВА БУЮК МАЖМУА



Муқаддас Рамазон ойи ва Наврўз байрами муносабати билан мамлакатимизда меҳр-оқибат янада кучайиб, эҳтиёжманд инсонларга ҳар томонлама эътибор ва кўмак кўрсатилди, халқимиз эзгу ва савобли амалларга бош-қош бўлди.

Давлат ва нодавлат ташкилотлари, саховатли ҳамюртларимиз томонидан муҳтож оилаларга моддий ва маънавий ёрдам кўрсатилаётгани Ватанимизда файзу баракани ошироқда, инсон қадрининг улғулини тинчлик ва умуммиллий бирлик руҳи тобора мустаҳкамланишига асос бўлмоқда.

Тошкент шаҳрида дунёда аналогий бўлмаган Исломи цивилизацияси марказининг расмий очилиши, шу куни бутун мамлакатимиз бўйлаб ифторлик ўтказилиши, Қуръон тиловат қилиниб, дуолар ўқилиши, эзгу ниятлар билдирилиши халқимизнинг нафақат ижтимоий, балки руҳий бирдамлик ҳиссини янада мустаҳкамлади.

► (Давоми 2-бетда)

САРҲИСОБ

МЕҲР-МУРУВВАТ, АҲИЛЛИК ВА ШУКРОНАЛИК МАНЗИЛИ

Қўли калталиқ – бу танлов эмас, қисмат. Ҳар бир инсон тақдирнинг тайёрлаб қўйган синовларини темир иродаси, заҳматли меҳнати билан енгиб, таъбир жоиз бўлса, қувонч ва ташвишларга тўла ўз асарини битишга ҳаракат қилади. Қимирлаган қир ошади, албатта. Бироқ орамизда ҳаёт машаққатлари қаршида қаддини тик туттиб, уларни ёриб чиқишга маълум бир имкониятлари чеклангани сабаб куч топа олмайдиган инсонлар ҳам бор. Улар бундай паллада жамиятнинг, давлатнинг кўмағига, мурувватига, мададига суянади. Ўз навбатида инсонларвар, ижтимоий адолат тамойиллари олий мезон саналган давлат бу эҳтиёжманд шахслар манфаатларини тўла-тўқис таъминлашга интилади.

Яқунига етган мўтабар Рамазон ойи мамлакатимизда олиб борилаётган ижтимоий сиёсатнинг изчиллиги, манзиллилиги ва, табиийки, натижадорлигини яққол амалда намойён этган, жамиятда меҳр-оқибат, саховат ва ўзаро қўллаб-қувватлаш муҳити янада кучайган давр сифатида муҳрланди. Бинобарин, давлат раҳбарининг 16 февралдаги “Муборак Рамазон ойини муносиб тарзда ўтказиш тўғрисида”ги қарориди “Рамазон — меҳр-мурувват, аҳиллик ва шукроналик ойи” деган эзгу ғоя асосида қатор чора-тадбирларни рўёбга чиқариш белгилангани ушбу даврда юзлаб ижтимоий ҳимояга муҳтож инсонларга умид ва шодлик улашишдек хайрли ишларга туртки берди.

► (Давоми 3-бетда)

ҚАДРИЯТ



ХАЛҚ ҲЙИНЛАРИДА МИЛЛАТ РУҲИ ЯШАЙДИ

Баҳор, Наврўз деганда кўз олдимизда гўё ранг-баранг манзаралар жонланади: сумалак иси анқиган ҳовлилар, кулгуга тўлган сайиллар, миллий либосларда безанган одамлар... Яқиндагина шукроналик туйғуси билан ҳаммамиз учун қадрли айём бўлмиш Наврўз, Рамазон ҳайитини нишонладик. Шундай қутлуг кунларга етказганига шукр, деб оила аъзоларимиз, фарзандларимиз, дўст ва яқинларимиз билан сайилларга чикдик, қувончли учрашувлар ўтказдик.

► (Давоми 7-бетда)

ЯНГИ ҲАЁТ, ЯНГИ ТАРИХ, ЯНГИ КЕЛАЖАК

– ВАТАН УЧУН ФИДОЙИЛИККА
ЧОРЛОВЧИ ҒОЯ

Йил йилга ўхшамас, дейдилар. Аслида отаётган ҳар бир мусаффо тонгимиз, хотиржам, ҳаловатга тўла кунларимиз биз учун қадрли ва фазилатли. Бу йил ўзгача келган Наврўз шукҳи ҳар биримизнинг қалбимизни чексиз фаҳр ва ифтихор туйғулари билан тўлдирётгани аини ҳақиқат. Чунки Наврўз нафақат хўстаровати, куй-қўшиқ ва ўланлари, сумалагу, сайиллари балки Рамазон билан уйғун қадриятлари, баҳор тутимларига монанд юртимизни яшилликка буркаш каби эзгу мақсадга йўғрилган тадбирлари билан ҳам ўзгача мазмун-моҳият касб этди.

► (Давоми 2-бетда)

БЕБАҲО

ҚАДРИЯТЛАРИМИЗНИ АСРАБ ҚОЛАЙЛИК

Ахборот тезлашган замонда яшаймиз. “Нега газета-журнал ўқимасиз?” деган саволга ҳатто ёши катталар ҳам “Ҳамма янгиликларни телевизордан кўраман, интернетдан ўқийман”, деб жавоб беришади. Демак, улар учун матбуот фақатгина ахборот олинадиган майдон.

► (Давоми 8-бетда)

МУЛОҲАЗА



ЗАМОНДОШЛАРИМИЗ



Шарофиддин НАЗАРОВ,
Олий Мажлис Қонунчилик палатаси Бюджет ва иқтисодий
ислохотлар қўмитаси раиси,
иқтисодиёт фанлари доктори, профессор.

Ёшлиқда бирга ўниб-ўсган дўстинг ҳақида сўзлаш осон. Чунки бақамти кечирган воқеа-ҳодисалар, ҳис-туйғуларни баён этиш билан кўз олдинда ўша даврлар гавдаланади, сўзлаш ҳам, ёзиш ҳам осон.. Лекин ўзингдан олдин бир-икки кўйлакни йиртиб, кечмоқчи бўлган дарёларингни сендан олдин сузиб ўтган, забт этмоқчи орзу қилган чўққиларга аллақачон байроқ қадаган инсон ҳақида фикр билдириш кишини ўйлантириб қўяр экан. Аслида, бундай зотларнинг олган унвонлари ва бошқа эришган натижаларини жамлаб, баён этишдан-ку осони йўқ, аймо Устоз – Қаландар Абдурахмоновнинг муборак айёми муносабати билан улар ҳақида ўзим билганларим ва эшитганларимни баён этишда анча масъулият қаршида қолдим, бироқ нима бўлганда ҳам уларни қоғозга туширишни афзал билдим.

Устоз Қаландар ака билан Чирокчи туманида бир вақтда бўлмаса-да бир мактабни (ўша пайтларда "Тельман номи 1-мактаб" деб юритилар эди) тамомлаганимиз менга ҳар доим гурур бағишлаб келган. Мактабнинг 9-10 синфларида ўқиш юрган (70-йилларнинг иккинчи ярмида) пайтларда ўқитувчиларимиз бизга намуна сифатида шу мактабни битириб, айна пайтда Тошкент ва Самарқанд олийгоҳларида таҳсил олиб, илм ва амалиётда катта ютуқларга эришган инсонларни намуна қилиб кўрсатишар, улар қаторида биринчилардан бўлиб Қаландар акани алоҳида эйор эйтишар эди. Айниқса, устозимиз Ёқуб Ҳамроев география фанидан дарс ўтганларида Чирокчининг Қалқама тоғ бағрида жойлашган Лангар, Тарагай, Қуруқсой, Говхона ва бошқа қишлоқлари тўғрисида жўшиб гапирар экан, Тўлақул қишлоғига алоҳида тўхталиб: "Бу қишлоқ ўзи кичкинани, лекин одамлари жуда қизиқувчан, зийрак ва ҳаракатчан. Биласизларми, ким чиққан бу қишлоқдан? Қаландар Абдурахмонов чиққан, у мактабимизнинг битирувчиси. Ҳозир иқтисодиёт бўйича номзодлик диссертациясини муваффақиятли ҳимоя қилиб, Тошкентдаги нуфузли институтнинг катта домласи бўлиб ишламоқда", дея фахр билан Устозга таъриф берганлари ҳеч эсимдан чиқмайди.

Мактабимизда нафақат Чирокчи, балки бутун вилоятда юқори савияга эга бўлган математика, физика, химия, география ва адабиёт ўқитувчилари фаолият олиб боришар эди. Бир куни адабиёт ўқитувчиси ҳамда мактаб директорининг ўринбосари Жўра Лутфуллаев "Иншо ёзишни қишлоқдан келиб ўқитган болалардан ўрганинглар. Мана, Тўлақулдан Қаландар Абдурахмонов қандай иншолар ёзар эди. Таппат-тайёр журналист эди-я, лекин ўзини иқтисодиётга уриб кетди. Шунда ҳам хато қилмабди, фан номзоди бўлди, қандини урсин", деб қўрди.

Физика ўқитувчиси Эшман Абдалов даср оралиғида ёки пахта даласида юрганимизда қишлоқдан Тошкентга бориб, илм олишнинг машаққатлари ҳақида кўп гапириб берад эди. Марказда қолиб, давлат хизматига ишлатган, илм-фан, ижод билан шугулланаётган мактабимиз битирувчилари Жаббор Рўзиев, Муродулла Нормуродов, Мусакул Усмонов, Жовли Ҳакимов ва бошқалар қаторида Қаландар акани ҳам тилга олар экан, мен бундай тиришқоқ, интилувчан, илмга берилган ва шу билан биргаликда одамхон ийигини кўрмаганман, деб таъриф берад эди. Шунда биз: "Нега у кишини одамхон дейишган, бу сўз нимани аналатади", деб сўраганимизда: "Одамхонлик хислати инсонларвар, инсонларга ҳурмат кўрсатувчи, олижаноб, саховатли кишиларга хос фазилат", деганлари эсимда қолган.

Устозга нисбатан бундай таъриф бежизга берилмаган экан. Ўтган асрнинг 60-70-йиллари, Тошкентда қолиб илм билан шугулланишга ҳар кимнинг ҳам юраги дов бермаган. Кўпчилик: "Илм қиламан деб Тошкентга қолсам-у, лекин эпполмасдан қишлоғимга шундайиб қайтиб борсам ким деган одам бўлман?", қабилидаги андиша билан юрган. Шу тахлит қобилияти бўлса ҳам дипломни олиб кетворганлар кўп бўлган. Қолганлар эса илмда ёки амалда ўз ўрнини топиши учун не-не синовлардан ўтиши керак бўлган. Ана шундай пайтларда ўзини аллақачон тугиб олиб, катта давраларга қўшилишга улгурган Қаландар ака кўпгина толиби илмларга, аспирантларга, ҳаттоки олимлик йўлига кирган ёш домлаларга ҳам қўлидан келган

ёрданни аямаганлигини кўп эшитганмиз.

Ўрта мактабни битиригунимга қадар Қаландар акани ҳеч кўрмаган эканман. Лекин у киши тўғрисида жуда кўп яхши фикрларни эшитардик. Мана шу эшитганларимдан у киши жуда ўзига ишонган, виқорли, салобатли, олдига унча-мунча одам ҳадди сизиб бора олмайдиган, образли қилиб айтганда, худди "куёшдек кўзни қамаштирадиган" инсон бўлса керак, деган тасаввур шаклланди эди менда.

Тақдир тақозоси билан 1978 йил Тошкент халқ ҳўжалиги институтига ўқишга кирдим. Кутубхонада айрим "тақчил" адабиётларни уйга олиб ўқиш учун деканатнинг рухсати керак экан. Биз, шаҳарни энди кўриб, додираб юрган талабалар учун деканатнинг олдига кириш жуда катта матонат талаб этар эди. Мана шундай бир ҳолатда деканатнинг эшиги қаршида мен ва яна бир неча талабалар навбат кутиб турганимизда, хонадан бир домла чиқди-да, "Сизлар бу ерда нимани кутиб турибсизлар?", деб сўраб қолди. Бизнинг масаланимизни эшитгандан сўнг, "Унда, юринглр орқадан", деб ҳаммаимизни кабинетига олиб кирди ва бир зумда масаланимизни ҳал қилиб берди. Чиққанимиздан кейин, "Бу киши ким?", деб суриштирсак, умумиқтисодиёт факультети деканатининг ўринбосари Қаландар Ҳўжаевич Абдурахмоновнинг ўзи экан. Ўшанда у кишида кўрганмиз оддийлик, самимийлик менга хайрон қолдирди ва физика ўқитувчимизнинг "Одамхон" деган тўғривларини қайта эсладим. Энди менинг тасавуридаги "виқорлилик" ўрнини "оддийлик", кўзни қамаштирадиган куёш нуруни эса илликлик эгаллаган эди.


Устоз билан биринчи учрашимиз мана шундай бўлган. Яна бир воқеа ҳеч эсимдан чиқмайди. Мен олийгоҳни битираётган пайтимида устоз менга: "Агар хоҳласангиз Давлат режа қўмитаси қошида илмий-тадқиқот институти бор. Меҳнат муносабатлари билан шугулланганидан бўлимга тавсия қиламиз, ўша ерда илмий иш билан машғул бўлаверасиз", деб таклиф беришарди. Мен ўйлаб кўришга вақт сўрадим. Тошкентда қолиб ишлаш учун "прописка" талаб қилинар экан, нима қилса бўлади, деб ўйлаб кетаётганимда олдимдан диплом ишим бўйича раҳбар Мирсоли ака Ҳайдаров чиқиб қолди ва "Давлат иттихон комиссияси раиси сени Фанлар академиясидаги кибернетика институтига ишга таклиф қилапти, бормайсанми?" деб қолди. Улардан ҳам ўйлаб кўриш учун вақт сўради, уйдагилар билан маслаҳатлашш учун Чирокчига қараб йўл олдим.

Уйдагилар ҳам менга аниқ бир маслаҳат бериша олмади. Лекин "Кибернетика янгича, жарангдорроқ эшитилапти", дейишгани худди "Шуни танлай қол" дегандек туюлди менга. Тақдирнинг изми билан Кибернетика институтида илмий ишим битунга қадар Қаландар ака билан рўпара бўлишдан чўчиб, ўзимни олиб қочиб юрдим. Олдиларига бориб, узримни айтишга ботинолмадим. Орадан тўрт йил ўтиб, номзодлик илмий ишимни тугатиб, автореферат чиқарганимдан сўнг, минг истихоло билан билан домла нима дер экан, деб қўрқа-писа олдиларига бордим. Устоз ўзининг самимийлиги ва очик кўнгиллиги билан мени яна бир бор лол қолдирди. "Ҳамма ишларингиздан хабарим бор, нега келмайсиз, балки бирор ёрдам керакдир, иш битиб қолдими?", деб саволга тугди. Қўлидаги авторефератни узатганимдан кейин, "Эй, яшанг, мана бу бошқа гап, зўр иш бўлибди", деб самимий

қутлади ва ишларини бир четга суриб, авторефератимга тақриз ёзиб берди. Четдан қаралса, бу хотиралар кундалик, оддий бир ҳол сингари туюлар, лекин мендек илм қиламан деб Тошкентда "дарбадар" бўлиб юрган аспирант учун бу катта бир мадад эди.

Устоз шогирдлари билан суҳбатлашганда Имом Бухорийнинг "Дунёда илмдан бошқа нажот

этибор қаратмоқда. Олим "Бозор ислохотлари шароитида меҳнат иқтисодиёти ва социологияси" соҳасидаги янги иқтисодий назария ва амалий тавсияларни шакллантирибгина қолмасдан, уларнинг халқаро майдонда кенг тарқалишига ҳисса қўшиб келмоқда. Унинг раҳбарлигида кейинги йилларда 7 марта халқаро илмий конференция ўтказилди.



йўқ ва бўлмағай" деган сўзини кўп қайтарганларининг гувоҳи бўлганмиз. Устознинг ўзлари ҳам Буюк Муҳаддиснинг ушбу шioriга содик бўлиб, бутун ҳаётини фақат илм-маърифатга бағишлаганлигини бу борада эришган ютуқлари амалда исботлаб турибди.

Бугун умидларга тўла, ҳаяжонли кунларни эслар эканман, ўша пайтларда кўз олдида улкан чинор буй кўрсатаётганини ҳис қилганман. Аввало, одамгарчиликдан сабоқ берган Устоз илмий фаолиятини давомига юксак бир чўққини ҳам забт этганига ўзим гувоҳ бўлиб турибман. Академик Қаландар Абдурахмоновнинг номи иқтисодиёт илми билан шугулланаётган дунё афкор оммасига яхши маълум, десам муболага бўлмайди. Бунга Устоз яратган илмий меросни қисқача таснифлаб, тўла ишонч ҳосил қилиш мумкин. Академик Қ. Абдурахмонов умумий ҳажми 1600 босма табоқдан ошқ кўплаб илмий асарлар муаллифи саналади. Устоз олиб борган тинимсиз илмий изланишлар натижалари рус, ўзбек, инглиз тилларидаги йирик илмий монографиялар, дарслиklar, ўқув қўлланмаларида ўз аксини топган. Унинг Буюк Британиянинг "Scientific Publishing House IVG" нашриётида инглиз тилида чоп этилган "Labour economics" китоби айна пайтда кўплаб мамлакатларда дарслик сифатида фойдаланилмоқда. Муаллифининг "Меҳнат иқтисодиёти" китоби Ўзбекистонда ва Россия Федерациясида бир неча мартаба қайта нашр этилган ва кўплаб олийгоҳларда дарслик сифатида қўлланилмоқда.

Оқоридагилардан ташқари, Қаландар Абдурахмонов томонидан нашрланган "Меҳнат иқтисодиёти", "Ташкилот персоналини бошқариш", "Персонал менежментининг назарий асослари", "Аҳолини ижтимоий муҳофаза қилиш", "Аҳолининг турмуш даражаси", "Демография", "Инсон тараққиёти", "Меҳнат иқтисодиёти ва социологияси", "Ижтимоий соҳа иқтисодиёти", "Меҳнат бозори" каби дарслиklar нафақат олийгоҳларда, шунингдек, бошқарув соҳасида кадрларни тайёрлаш ва қайта тайёрлаш, уларнинг малакасини ошириш борасида Давлат бошқаруви академияси ва бошқа малака ошириш институти томонидан дарслик ва ўқув қўлланмалари сифатида кенг фойдаланилмоқда.

Умуман олганда, иқтисодиёт фанида олиб борган кўп йиллик меҳнати натижасида академик Қаландар Абдурахмонов мактаби яратилганлигини нафақат мамлакатимиз, шунингдек, хориждаги илмий доираларнинг йирик вакиллари ҳам эътироф этишган. Устознинг бевосита раҳбарлигида 100 га яқин фан номзоди ва докторлар етишиб чиқди. Тошкент давлат иқтисодиёт университети қошида академик Қ. Абдурахмоновнинг "Меҳнат иқтисодиёти ва инсон капитали" илмий мактаби фаолият олиб бормоқда.

Қаландар Ҳўжаевич кейинги йилларда меҳнат иқтисодиёти билан биргаликда меҳнат социологияси фанини ривожлантириш соҳасига ҳам катта

Устознинг илмий ишлари РИНЦ ва SCOPUS халқаро илм-фан манбалари индексига эга ҳамда ушбу манбалар орқали чет эл олим ва тадқиқотчилари ҳам олимнинг илмий натижаларидан фойдаланиш имкониятига эга бўлмоқда. Бундан ташқари, Устоз Муҳаммад Мусо ал-Хоразмий ижодига катта қизиқиш билан қараб математик таҳлил, хусусан, эконометрик усулларни иқтисодий тадқиқотларга кенг қўллаш борасида ҳам изланишлар олиб бормоқда. Эконометрика фанининг иқтисодий таҳлилда муҳим аҳамиятга эга эканлигини ҳисобга олган ҳолда ушбу фан дарслик сифатида университет программасига киритилган.

Ўзбекистоннинг улкан туризм салоҳиятига эга эканлигини ҳисобга олиб, Устоз Қ. Абдурахмонов томонидан иккита йирик "Management of Tourism" ва "Management and marketing of Tourism" ўқув қўлланмалари тайёрланиб, 2013 йилда Индонезия ва Малайзия давлатларида нашрдан чиқарилди. Ушбу қўлланмалар Германия ва Россия Федерациясининг олийгоҳлари ва илмий-тадқиқот институтилари ва марказлари томонидан ўқув ва амалий тадқиқотларда қўлланма сифатида ҳам фойдаланилмоқда.

Қаландар Ҳўжаевичнинг илм-фан соҳасидаги ютуқларини ҳисобга олиб Россия Федерациясининг гуманитар фанлар ҳамда табиий фанлар академиялари ўзларининг ҳаққибий аъзолигига қабул қилишган, шунингдек, 1998 йилдан Олий мактаб халқаро академиясининг ҳаққибий аъзоси ва шу академиянинг илмий котиби, 1999 йил апрель ойидан бошлаб Нью-Йорк университетининг академиги бўлиб сайлангани биз Ўзбекистонликларга фахр ва гурур бағишлайди.

Ўзбекистон иқтисодиёти ва тараққиёти юксалишини таъминлашда ўзининг сермахсул илмий ва маърифий ютуқлари билан муносиб иштирок этиб келаётган Устоз кенг қамровли фаолият олиб бормоқда, десам муболага бўлмайди. Олий ўқув юрти талабалари ва малакали илмий ходимларни тайёрлаш билан биргаликда Қ. Абдурахмонов ўзининг лидерлик ҳанда ташкилотчилик қобилиятларини ҳам намоён этиб келмоқда. Унинг раҳбарлигида Тошкент шаҳридаги Г.В.Плеханов номидаги Россия иқтисодиёт университетининг филиали ректори Мустанликнинг дастлабки йилларида Ўзбекистонда илк халқаро даражадаги етакчи олий ўқув юртининг филиалини ташкил этишга ҳар ким ҳам жазм эта олмас эди. Бунинг учун жуда кўп тўсиқ ва ғовларни енгиб ўтиш талаб этилар эди.

Қ. Абдурахмонов Тошкент шаҳридаги Г.В.Плеханов номидаги Россия иқтисодиёт университети филиали ректори лавозимида иш бошлаганидан кейин кадрлар тайёрлаш миллий дастурини ҳаётга самарали татбиқ этиш билан бирга таълим соҳасидаги интеграцион алоқаларни ривожлантиришга катта эътибор қаратиб келмоқда.

Қаландар Абдурахмоновни хориждаги илмий доиралар иқтисодиёт назарияси, туризм менежменти, ижтимоий-меҳнат муносабатларини ташкил этиш ва бошқариш муаммолари бўйича таниқли олим сифатида тан олишади.

Шарқда, хусусан, мусулмон дунёсида "Олимнинг қаламидан томган сиёҳ томчиси шаҳидларнинг қонидан муқаддасроқ" деган ҳикмат азалдан маълум. Дунёнинг роҳат-фароғатидан ўзини чеклаб, деярлик 60 йил мобайнида илм йўлида изланган Қаландар Абдурахмонов Ўзбекистоннинг иқтисодиёт фанида ўз номини олтин ҳарфлар билан тарих саҳифасига битиб бўлди, десак муболага бўлмайди.

Юқорида айтганимдек, ёшлиқда журналистикага бўлган иштиёқ Устоз етук иқтисодчи олим бўлиб шаклланди ҳам сўнмаган экан. Вақти келиб, у Ўзбекистон Ёзувчилар уюшмасининг аъзолигига ҳам қабул қилинди ва бу шунчаки фахрий аъзолик эмас эди. Устознинг "Ўзбекистон: кеча, бугун ва келажакда" номи китоби нафақат Ўзбекистонда, шунингдек, Жанубий Корея ҳамда Германия мамлакатларида инглиз тилида чоп этилди. "Олани махлиё айлаган диёр" номи китоби Ўзбекистондек жаннатмакон юртни англамоқчи бўлган чет элликлар учун ўзига хос "йўл кўрсатувчи" бўлиб хизмат қилаётганлиги билан таҳсинга лойиқ бўлди. 2017 йилда "Ўзбекистонда инсон омили ва манфаатлари - энг олий қадрият" номи китоби, 2018 йил ва 2021 йилларда Ўзбекистон Қаҳрамони, Ўзбекистон халқ шоири Абдулла Орипов хотирасига атаб "Буюклар қаҳқашонида", "Ўзбекистон - дилбар Ватаним" каби бадиий асарларни чоп этиб, китобсеварларнинг юксак ҳурмат ва эътиборига сазовор бўлди.

Устознинг илмий машаққатли синовларни енгиб ўтиб, бугун биз сиз билан гувоҳи бўлиб турган даражага етиши, энг аввало, уларнинг авлодларидан мерос бўлиб ўтиб келаётган маърифий салоҳият, ота-онани ҳанда мулоқоти томонидан берилган таълим ва тарбиянинг самараси, деб биланам. Нафақат Тўлақулда, дарҳақиқат, бутун Чирокчи туманида Устознинг падали тузрукворлари - Абдурахмон бобони билмаган, эшитмаганлар топилмайди. Туманимизда ул зот қишлоқ оқсоқолларининг (ўша даврдаги қишлоқ совети раисларининг) ичиде энг саводли, халқнинг дарди ва гами билан яшаган инсон сифатида эсланади. Қайтақароқ қилиб, бир сўз билан айтганда - "Кайвони инсон бўлган", деб таърифлашади.

Хуллас, Қаландар аканинг ибратли ҳаёти ва илмий асарлари ўсиб келаётган ёш авлодга таълим ва тарбия беришда қимматли манба бўлиб хизмат қилади. Устоз Қаландар аканинг илм йўлидаги машаққатларни енгиб ўтиб эришган ютуқлари, таълим ва тарбияга нисбатан ёндашувлари шахсан мен учун катта ибрат мактаби бўлган, деб баралла айта оламан. Устоздан илм олишда бардавонлик, маслаҳатсиз иш бошламаслик, илми доимо мукамаллаштириб бориш, илм йўлида машаққатга сабр ва бардошли бўлиш, илм ҳосилидан бошқаларни ҳам баҳраманд қилиш каби хислатларни ўрганиш мумкин.

Президентимиз ташаббуслари билан олиб борилаётган кенг қамровли ислохотлар Устоз сингари илму маърифат йўлида хизмат қилаётган инсонлар учун ёш авлодни соф эътиқод, чиройли ахлоқ ва одоб соҳиб бўлиши борасида катта масъулият юклайди. Устоз Қаландар Абдурахмонов доимо таълим-тарбия масаласини ўзининг жамият олдида турган муҳим вазифаси ҳисоблаб келган. Ёшларга таълим беришда Устознинг ибратли ҳаёти ва илмий асарларини ўрганиш, ёшларимизда илм-маърифатга бўлган қизиқишни юксалтириб, уларни юксак маънавиятга тарғиб этишига ишончим комил. Шунингдек, Устознинг меҳнат иқтисодиёти фани соҳасида юксак даражани забт этган таълим методикаси бу борада малакали иқтисодчилар ва социологларни етиштириб чиқишда катта аҳамият касб этади.

Ушбу муборак дамларда Устозга ўзлари яратган илмнинг юксак натижаларини узок йиллар давомида кўриб юришини ҳамда буюк аждодларимизга хос кўплаб ворислар тайёрлаш борасида улкан зафарлар тилайман.